

AL EMINENTE Y CELEBRADO TENOR

D. ENRIQUE TAMBERLICK.

POESÍA EN DIALECTO ASTURIANO.

Facíase *Poliuto*.... un formigueru
 del *Fontan* el treato, mialma yera;
 ¡cantaba TAMBERLICK, isi xilgueru
 que conóz y palmió la 'Uropa entera:
 al oillu, 'n el pechu, gayasperu,
 reblinea 'l corazon, y á la mió vera
 non faltó quien dixés, ¡ay! ¡qué bien canta...!
 tien una pañarera 'na garganta.

TAMBERLICK, quien á probes y señores
 tochos vólvi cantando.... ¡tal lo imprime!
 el que llamen el rey de los tenores
 y nos dexa ablucaós cuando xime:
 al que Dios el camin semó de flores
 y xurara 'l mirallu tan sublime,
 que mas d' un anxelin fái memoriales
 pa que rixa los coros celestiales.

Magar d' aquisti pueblu trió 'l suelu
 algámense les fiestes y fonciones;
 y al que nos fai oyer cantos del cielu
 (con festeyos pagamos y coronas:
 tal pruyiciu hay d' oillu, tal anhelu,
 que por colar primero hay tellerones,
 y el q' abaxo non mierca una tayuela
 vá á echar un fervorin á la *cazuela*.

Yo 'n nome de la xente que t' admira
 un abrazu te doi... déxame ufanu
 ya que 'n llaviegu se trocó mió lira
 que te pueda falar com' á un hermanu;
 quien te llame estranxeru diz mentira
 pos yes tan español como italianu;
 ¿d' ú ye 'l sol? ¿non alluma 'l mundo enteru?
 un *xéniu* como tú non ye 'stranxeru.

Teodoro Cuesta.

A. 1881210236

